

中國地方志集成

甘肅府縣志輯 ②⑨

乾隆直隸秦州新志

鳳凰出版社 ● 上海書店 ● 巴蜀書社

本書十二卷首一卷末一卷，據清
乾隆二十九年（一七六四）刻本影印。

舊志序

古之君子入人國也於其山川雲物艸木禽魚諸屬莫不悉而誌之况於人物之大者乎於其險要阨塞後徑關梁諸地莫不謹而書之况於封疆邊守之重且遠者于文以足言言以足志此其所以志也今夫秦四塞之地被山帶渭天府之國也東有關河南有漢中西有巴蜀北有代馬故自古帝王都會于此誌焉史稱秦地剛決蘄絕修習戰備高上氣力故其詩有王子興師修我甲兵及車麟駟駃諸篇紀陟有言

直隸秦州新志

宋序

疆界雖遠險要必爭之地不過數處耳大淮以北地之要害莫過乎秦故自古弓矢器械車馬之用于斯志焉若夫據勢勝之地騁狙詐之術征伐關東蠶食九國其風故不遠也敵王所愾復祖父業秦世父之秉心忠孝猶奕奕也賈生過秦之論杜甫秦川之詩非不琅琅聽視也攻伐戰守則謀臣策士首尾為用齊楚趙魏中山之君莫能相尚也故自古英略智謀諸策于斯誌焉易曰王公設險以守其國孟子曰天時不如地利言為國之恃險也又曰地利不如人和

言恃險之由人也孫卿曰天有其時地有其財人有

其治國之興也參而由焉卿所謂合其參是也恃險而已卿所謂合其參是也夫雍州之地宜其崇也峭嶮戰鬪之士宜其俊也山川之險不易也勁利之器不銷也先政之策可循而守也然則雲物草木禽魚諸屬一跡而至耳披圖覽鏡可不亟亟哉是故君子觀於誌都會知守國矣誌弓矢車馬器械知脩備矣誌謀臣策士知所得者在此所失者在彼與聖賢之學遠矣然則秦之有誌自胡可臬先輩載筆以後百

直隸秦州新志

宋序

有餘年而關焉未備豈非邢大夫之過歟三韓姜君以豐沛之彥來刺西州實藉將予會當甲午崩蹇之變余偕郡守跼音羽之瘁者終年民有寧宇余顧姜君曰是非秦州之一大興革乎惜哉舊史之蕪也姜君乃毅然任袁輯遼當亭王令心古新去其國憇南湖度夏余遂以其事屬之嚴殿最搜軼微稽載往復三閱月而書成州所有人物之大封疆之重山川雲物草木禽魚之微亦庶于是乎備矣胡先生其許我哉順治丁酉夏四月分巡隴西道東海宋琬序

關中號神州陸海蓋天下之大觀也隴關而西則爲天水成紀一大都會余奉命巡蒞茲土始如其履輒縱觀之山林蔽蔚原隰敷衍秀色環峙相錯如繡其隩區子已而登畫卦臺闕龍淵謁太昊之故宮眺軒轅之靈谷則神聖之所鍾也周徇四顧板屋穴居耕鑿獠狁蓋猶有羲黃之遺俗焉及採諸葛之壘陟伯陽之臺詢趙壯侯姜伯約權安邱趙文忠之宅過杜陵草堂故址具在世家系籍猶然存什一於千百也噫嘻盛哉然前事之不忘後事者之鑑也借令往勝

直隸秦州新志

李序

三

湮沒無徵不寧山川弗張於職方而執政者亦何以觀諸俗余因諮之秦守守曰秦故有記爲秦安胡中丞所編其人往矣歲遠殘缺弗可攷余乃檄秦安令徵遺編於其家得完書卒業記有述有表有志有攷有列傳其事則自羲軒以暨輓近其文則自經傳以至諸史無所不載而又分門析類條列班班文獻於是乎有徵矣稽之方輿則其名山曰岷曰隴曰朱圉曰崦冢天下之山宗焉其大川曰江曰河曰渭曰漢天下之水宗焉天地盛德之氣自西北始繼天立極

元聖是繼邈乎尚已李唐崛起帝業基之文物聲名猶可概見鉅儒則石作蜀秦祖壤駟赤忠武則李廣趙充國劉琚文苑則李陵趙壹李白此其煌煌較著者也脫曰非山川之靈宜不及此繇斯而論其世汗隆可得而言已周室衰微戎狄錯居涇渭之北秦穆西伐遂致隴以西有綿諸緄戎翟獠之戎漢益迫羗修戰備選六郡良家子給羽林期門名將材官多出其地唐季天寶陷於吐蕃咸通始復我郡縣封疆之臣唯戈矛是急樽俎不遑彼一時也皇祖三犁以來

直隸秦州新志

李序

四

王庭直空大漠之比秦隴雖稱邊郡然不中兵者二百餘年文德誕敷庶幾羲黃之世都人士暨諸父老幸而生茲時也不亦恬愉乎哉且志有之天水土厚水深其人勁悍而質木尚儉約習仁義以善導之易於興起或驅以猛則其強毅果敢之資亦足以成富強之業風偃謂何余不佞無能布德意以周境內乃今室有疾苦藪有逋逃士習漸漓民用漸參重爲諸父老憂願諸大夫暨都人士無棄不佞而朝夕修之務孳孳奉天時繕地利以興民事蒐未墜飭未周俾

今日之秦壹猶疇昔政教畢舉人文蔚興無爲山川
之辱則不佞幸矣中丞胡公爲昭代名世蓋亦鍾天
水之奇者余不獲身事之猶幸見其文也謀番有永
因命築氏新之若夫葺佚芟繁則俟後之君子萬曆
二十六年莫春上澣分巡隴右兵備道李國士序

直隸秦州新志

李序

五

嘉靖戊午暮春郡大夫質菴先生枉駕於余烏鼠山
房因論政教風俗孰王孰霸孰古孰今纘宗對曰巍
巍乎周孔百王之師而萬世之宗也舍周非王矣舍
孔非聖矣侯曰唯然政不皆關唯也教不皆鄒嶧也
如何纘宗曰苟志向一於是人皆可以爲周孔矣侯
曰唯夫秦亦大矣考之郡未有記也聞錄於傳侯而
未成也故無傳然無史矣曰然然郡亦有史乎曰今
之郡縣古之國也郡縣之志郡縣之史也曰然則郡
記不屬之子乎纘宗再拜以不文辭侯曰郡有子而
直隸秦州新志

胡序

六

無史可乎纘宗曰秦大矣昔與雍並今雖稱州揆之
府也學者學羲皇之易學軒帝之律而宗周孔也夫
復何求侯曰唯然有史以宗周孔而祖羲軒無則守
何以政學何以教哉曰三代之學然也若今之史則
非三代之史也故自方輿勝覽出而世無史矣曰彼
備考索耳考索非學乎曰史所以記也記古今記得
失記賢不肖耳考索豈學乎曰子不究史乎曰經且
未窮况史乎然子秦人也秦記當屬之子矣纘宗再
拜以非史辭侯曰子參對敬且實錄列職戶館矣列

術聖錄矣曰史也然非史也史未破若選爾曰黃公
司徒仲實郡公太僕思抑非史乎曰史也亦欲被選
者曰然則記不當屬之子乎續宗再拜弗獲辭復曰
不識先天何以學卦不達黃鐘何以學律呂欲記之
志也於是復再拜質之我侯曰史也人皆稱左傳國
語又稱左傳又不稱左傳人皆稱史記漢書又稱史
記又不稱史記如何曰傳魯史爾史不有尚書儀禮
乎記太史氏創爲之者史不有周禮春秋乎然皆經
也或曰經載道史載事左馬班紀事爾經亦事也固

直隸秦州新志

胡序

七

道也或以稱蜀入寇爲非或以爲紀實或以目秦爲
閭位爲未或以爲朋統然史豈易作哉國朝郡縣志
則勝覽之餘韻也故不分門無所考不列類無庸索
天玉海類也然事核焉通典類也然制該焉復再拜
質之我侯曰安慶記予稍變之然未放古也而覽者
不以爲枝鞏郡記予又變之然未劣今也覽者不以
爲糜茲秦記或以爲今而非今也或以爲古而非古
也二泉公嘗志許昌許西公嘗志武功舉世稱之茲
記敢比二志猶夫一記爾何以復我侯是故述述乎

古以詔乎今也表表乎物以儀乎人也曰地理敷土
也曰官師建官也曰選舉賓興也曰儀制遵憲也曰
邊防禦戎也曰食貨理財也曰兵戎紀兵也曰災祥
記異也曰藝文勸實也考皇述帝郡不得而紀也其
諸列傳允文允武非程度乎而聖政巍巍也克忠克
孝非準則乎而聖教穆穆也况循足以勸酷足以懲
哉然皆本之遷史固書然遷固之罪人也是故范氏
唐鑑本之伊洛呂氏大事記本之獲麟而史不徒作
也然續宗非史也如政教何侯曰可也殆欲家岐鄠
而戶鄠魯乎曰唯公一德一心者也諸父老曰觀我
侯之一鶴一琴脩如也必其厚有得者諸薦紳曰唯
父老白之臺云嘉靖戊午秋七月七日烏鼠山七十
九翁胡續宗書

直隸秦州新志

胡序

八

秦州志序

秦州四塞之區函西一大都會也山川靈秀之氣磅礴蜿蜒萬生醒括代有偉人史載詳矣若夫城池都邑田廬戶口草木禽魚皆

直隸秦州新志

鍾序

觀風者所必及而政治之

得失風化之感莫尤足以

垂法戒而示勸懲是曷可

以無志哉前明胡公可泉

著有成書我

朝字公荔裳續備允稱完善百

餘年來未有起而輯之者

或輯矣而未備以示不朽

難矣夫莫為之後雅盛不

傳矧承平日久沐浴涵濡

事昭之足稱述者又大異

於古所云之經羅蒐討非

直隸秦州新志

鍾序

守土者之責歟江左費君

蒞秦五年風土人情久而

愈悉乃即人士所歲造策

重加備葺再閱歲而事竣

昔阮亭論天下志乘閩中

稱首可泉秦志與對山武


功志並稱費君是編尋纂
領雜事覈言練弗君義弗
傳疑以視可泉寧多讓焉
余承

簡命視學全秦按臨茲土費君
携志來謁問序於余余惟

秦州山強阨險俗尚儉約
其人質朴而勁悍蓋古用
武地也今

國家禮陶樂林崇熙重洽人心
風俗咸歸淳古觀是編也
朝廷改化之隆燦然溢目所謂

沐膏而永勤優游而自得
者其在斯歟是為序
乾隆二十八年癸未孟夏
海昌鍾蘭枝撰并書



秦州志序

粵稽職方氏掌天下之圖辨其
邦國都鄙之人民與其財用
九穀六畜之數而小行人之復命
于王也其禮修政事教治為一
書和親康樂安平為一書是
以不出戶庭而周知天下之政乾
隆庚辰冬余奉

直隸秦州新志

武序

一

命今巡隴右秦州固屬郡也其地東
扼隴坻西倚天門形勢之膠隱
於關內而自漢以來嘗為用
武之地我

國家車書一統聲教所漸周于
域外今其幅員猶足而險易
之利建置之宜莫有過而問
焉者蓋昇平之日久矣昔者

侯入闕乞取圖書以稽戶口既

塞之數而朱文公官轍所至
亦必考其志乘以察民情風
俗善典籍之所係必以此咳余向
者嘗為公役巡歷其疆問北
流之象彷彿東打之谷勝事流
傳父老間能言其一二而神魚
福地古跡久湮未嘗不惜州

直隸秦州新志

武序

二

志之廢而屬望于守土之吏
起而脩之也今年夏州牧費
君廷珍以志書之成問序于
余謂斯土舊隸鞏昌雍正
七年始以其州領縣凡諸好實
大者分載他志其逸或時見
於野聞今費君得以政事之
暇與州之二三文士廣收而約

取之將見志之成也亦流龍馬
 額接鳳凰則山川畧備也官旆
 隗囂跡傳臨渭則沿革可稽
 也粟宜瘦地亦種陽坡煙火
 却中牛羊嶺上則物產之饒
 與人民之衆恍然在目也亦備
 採風之顧問次以待司牧之投
 尋其於服官蒞任化民成俗

直隸秦州新志

武序

三

之方庶哉有所助乎是志也
 其印以為職方之圖行人之
 職也可足為序

六音

乾隆癸未秋七月泚岷隴右道武忱
 題於半蘭行署



自序

秦州之有志自明嘉靖時奉安胡
 中丞可泉先生始先生以淹雅之
 才潤澤史法徵文攷獻爰著為
 書必非凡手所及惜原刻已不可
 復觀

國初伏羌令王君去官寓此兵備愈
 事萊陽宋荔裳先生屬纂修之

直隸秦州新志

自序

一

分門別類典中丞原序所云略因
 顧其編次頗涉繁瑣遂雍正中升州
 為直隸領縣五前牧魯公復偕紳
 士增輯未竟厥緒戊寅冬余奉
 簡命承乏茲土詢及志乘得

國初刻本閱之即有廓新之志會
 軍書旁午日不暇治方今西域臣
 定風志獲酬不惟舊帙宜訂且自

魯以後又逾三紀其間風會日新
人文間出尤不可不導揚威美以
昭示來茲者矣秦安選貢胡生錢
可象以商孫也有文名爰延之修
葺惟以簡明是屬甫得八著胡生
以恙辭歸需其藏事而余又仰邀
恩擢適前署兩當陶令湘中名孝廉
也因補官道經州地援之續成載曰

直隸秦州新志

自序

二

秦州新志是書也葉存得之州蒲
氏而更經二君考鏡前史搜羅見
聞探者正其蕪者刪之缺遺者補
之取彼部不併為十二依類附見
各條序中不更著凡例閱兩歲而
告竣嗚呼此志之成其難以信今而
傳後歟第思秦古名勝區也寓其
山川風物標鑑人倫稽核掌故俾

遺文勝事不致湮沒亦即政教攸
圖繫守土者之責用序梗槩以俟
後之君子參考焉
者

乾隆二十九年歲次甲申益春之吉
知直隸秦州事陞任山東青州府知
府吳陵費廷珍序并書

直隸秦州新志

自序

三



修志姓氏

纂修

奉直大夫知甘肅直隸秦州事陞任山東青州府知府費廷珍

編次

直隸秦州秦安縣拔貢生胡鈺

補輯

文林郎知甘肅慶陽府合水縣署前署兩當縣候補知縣陶奕會

參訂

直隸秦州兩當縣典史屠文焯

直隸秦州新志

姓氏

提調

直隸秦州鹽茶軍糧州判分駐三分李文哲

直隸秦州儒學學正劉以涵

直隸秦州儒學訓導潘林

原任直隸秦州吏目徐芬

署直隸秦州吏目王昀新

協贊

秦安縣知縣諸為霖

清水縣調任寧夏縣知縣李承弼

清水縣知縣耀昌

禮縣知縣縣宋鑿

徽縣知縣陞任太常寺博士李兆錦

署兩當縣事候補知縣冷文焯

稽訪

原任湖北來鳳縣縣丞潘又洪

貢廩生陳玉島

廩生連遇

增廣生閻君臨

直隸秦州新志

姓氏

分閱

國學生胡端

國學生萬肇夏

增廣生楊楨

增廣生胡鎬

校刊

增廣生李上選

生員鄭又蘭

國學生劉潤

國	學	生胡正	廩	生劉用霖	直隸秦州新志	姓氏	三
---	---	-----	---	------	--------	----	---

直隸秦州新志目錄

卷之首

諸圖

卷之一

沿革

疆域道里城鎮形勝附

卷之二

山川

景物古跡陵墓附

卷之三

建置

寺觀附

直隸秦州新志

目錄

卷之四

食貨

物產附

卷之五

武備

歷代兵事附

卷之六

風俗

災祥附

卷之七

官師

封爵附前

武職附後

卷之八

選舉 學校附前 武選附後

卷之九

名宦 流寓附

卷之十

人物 列女附

卷之十一

藝文

卷之十二

雜記

假裝 宦堅

偽官 羌戎

不臣 仙釋

酷吏 幻異

依倖 叢談

直隸秦州新志

目錄

二

卷之末

補遺

直隸秦州新志目錄

地理全圖



直隸秦州新志

圖

一

